



# Extrait de la revue **SingulierS** du 4<sup>ème</sup> trimestre 2007

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

**Rubrique : Textes**

## **Savèr wétou, savèr choûter**

(dédié au "Musée de la Parole au Pays de Bastogne")

Emile WENKIN (wallon de Michamps)

Tiré de « Ké novèle » n° 1 – Août 83

Savèr wétou, savèr choûter  
Nôs vîs vèjins, nos parints,  
Lès lèy djâser, raconter,  
Rviker leû djône timps...

I fât vèy leûs-ûs s' aloumer  
Dvant one foto djèni,  
Ou ôre leû vwès tronler  
D' avèr sièrvi jusse po mougni...

Hodes d' avèr trop travayi,  
Trop dur èt trop djône,  
Mâ tchâssis, mâ noûris,  
Pace k' i falot dol manôye...

Hodes d' avèr rapiné so tot,  
Po plèr payi l' trècin  
Ki costot pus' k' i n' rapwartot,  
Cand lès cromptîres ni s' vindint nin...

Mês contints d' leû vîye  
D' s' avèr payi on ptit bin,  
D' avèr grèté tot l' timps  
Po n' nin dmori cinsîs...

Asteûre, s' i n' savant pus couri,  
Il êmant todi d' djâser ;  
Alôrs', po l'z-î dire mèrci,  
Vos n' avoz k' a lès choûter raconter...

### **Malêjis mots**

**choûti** = écouter. / **djèni** = jauni. / **hode** = fatigué. / **tchâssi** = chaussé. / **trèvin** = loyer d'une ferme. / **tronler** = trembler. / **û** = oeil. / **wétou** = regarder.